

مکملہ ادبی و سیاسی رسالہ اسبوعیہ

❁ ادبی و سیاسی رسالہ اسبوعیہ در ❁

۳۱ نجی سنہ

۲۴ شعبان ۱۳۳۰

❁ پچشنبہ ❁

جلد: ۱۵ - جزو: ۱۵۸

طورپیل و انشاآت بحریه یه اولان تأثیری

[مابعد وختای]

کیجه هجومی حقیقت حالده طورپیل استیمبوطلرینک وظيفه سیدر ، چونکه ظلمت ، کشف اولمق سزین ، دشمن سفانته تقرب ایلدک مساعده بخش اولور . فقط دشمنی ، مسافه سنی ، استقامت سیرینی ، سرعتی ترصد ایتک لزومی نتیجه سی اوله رق طورپیل انداختی ایچون مسافه نقطه نظرندن بر حد تعیین ایتک لازم گلیر . مسافه جه خطیئات تخمینیه دشمنک مسافه سی ایله مبسوطاً متناسبدر ، بالعکس تقرب ایلدکجه کشف اولمق و دشمنک سریع آتشلی طوبلری واسطه سیله غرق ایدلک تهلیک سی تراید ایدر . بناءً علیه انداخت مسافه سی ۱۰۰۰ متره بی اعظمی بر قاج یوز متره تجاوز ایدم جکدر . فقط هر حالده هدفه قارشلی احتمال اصابت طورپیل سرعتک ترایدی نسبتنده آره جقدر . بناءً علیه تکمیل تضییق هوا ایله امکان اصابت استحصال ایچون الک بیوک سرعت استعمال ایدلک لازم گلیر .

طورپیلک بر کوندز محاربه سی ائناسنده استمالی هان بسبتون عکسی ترتیده واقع اولور . بالطبع کیجه اولدینی کبی دشمن سفانته ، طورپیل استیمبوطلری واسطه سیله یقیندن هجوم اجرایی موضوع بحث اوله ماز ، چونکه آذربزمانده غرق ایدیلورلر . اگر طورپیل استیمبوطلری ویا کوچک قرووا زورلر ایچون کوندزین بر طورپیل آتمق فرصتی ظهور ایدر ایسه

بویالکتر اوزاق مسافه لردن واقع اوله بیلیر . علی الخصوص طور پیل
استیمو طلرینک دشمن فیولرینه هجوم اجرایی نهاراً یالکتر اوزاق مسافه لردن
قابل اوله بیلیر . طور پیل استیمو طلری هجوم ایچون ، لیللاً اجرای شقاوتی
صنعت انخاذایدن ارواح خبیثه کبی ، ظلمدن استفاده به شتاب ایستکلری
حاله سلاح یکنه سی طور پیلدن عبارت اولان تحت البحر لر بالعکس اجرای
هجوم ایچون کوندز آیدینلغه عرض احتیاج ایدر لر . بالجله تشبثاتی ، افق -
مریسی علی الخصوص فورطنلی هوا ده پک محدود اولوب (په ریسقوب)
دیلان دورینلر واسطه سیله ترصدات اجراسنه وابسته در . (په ریسقوب)
آلتی واسطه سیله دشمن سفائن حربیه سنک مسافه ، سرعت ، استقامت
حرکتک تقدیری خصوصنده کی مشکلات تحت البحر لری دشمن سفینه سنه
پک زیاده یا قلاشمغه مجبور قیلار ، که بونی ده بلا مخاطره اجرا ایدم بیلیر ،
چونکه سفائن حربیه ده تحت البحر لره قارشی مدافعه ایچون بر سلاح تدافع
موجود دکدر : بونلرک هجوملرینه قارشی مدافعه سی سرعتله تباعد و فراردن
عبارتدر .

طور پیل استیمو طلرینه قارشی نه کبی وسائط تدافعه به مراجعت ایلدیکمز
دخی جالب نظر دقتدر ، زیرا هر یرده تدافع و تعرضک مجادلاتده بولمسی
بر قانون طبیعتدر . واقعا بونقطه نظر دن ترتیبات تدافعه نقصان دکدر .
فقط پک زیاده تر قیدن محروم اوله رق قالمش اولدینی ده بدیهی در . بوگا ایسه
طور پیلک بر زمانلر درجه تالیده بر وظیفه اجراسنه مجبور قالمسی سبب
اولشدر . لکن سلاح اهمیتکی تر اید ایلدیککی زماندن بری بر تبدل حصوله
گلشدر . بوتبدل ایسه ، آلمانیا بحریه سینک طور پیله سلاح اولمق اوزره
عطف ایدیلان اهمیتکی آزلنی و آندن تدافع ایچون استمال ایدیلان
(آغ) لرک تقابل ایلسی حسیه ۱۰ سنه دن بری ترک ایلش اولدینی
(آغ) لره یگیدن مراجعته مجبوریت حس ایتمسی انتاج ایلشدر . انکلتره .

ژاپونیا . روسیهده ایسه بو محافظه (آغ) لری صورت دائمده ایقا ایدلمشدر .
 بالطبع طورپیلك رأسنه بر بیحاق و یا مقاص ربط ایله (آغ) لری کسوب
 طور پیله بر یول کشاد ایدلمکله محافظلرینک ابطال ایدلملری دخی نظر -
 دقتدن دور طوتلامشدر . یگی (آغ) لر ایسه او یله سهولته قطع ایدیله -
 مامکده ایشلر . استخبارات واقعهیه نظراً انکترده طورپیل رأسنه بر ماده
 انفلاقیه تثبیت ایله (آغ) لرله مصادمه سنده آتی تخریب ایدرک بر یول کشادی
 چاره سی دوشونلشدر . حقیقتک بو مرکزده اولدیغنه دائر خبرلر نقصاندر .
 فقط طورپیلك محافظه آغنه تصادف ایله اشتعال ایلدیکی زمان صورت
 عمومیهده اوله رق سفینهیه اجرا ایده جکی تأثیر اهمیتدن عاری بولنور . زیرا
 شدت صدمه انفلاق . نقطه انفلاقک سفینهدن اولان مسافه سینه نظراً یک
 چابوق تناقص ایدر .

بناءً علیه الک مهم نقطه بر طورپیلك و یا دگز لغمنک تأثیر انفلاقی ایله
 غرق اولسنی منع ایده جک قدر بالذات سفینهدن اوزاق بولندیره جق صورته
 ترتیبات مخصوصه وجوده کتیرمکدر . سفینه نك بورده سینه قارشى انفلاق
 ایدن بر طورپیل و یا لغمنک آز چوق بر رخنه وجوده کتیرمسنی منع ایتمک
 قابل اوله ماز . فقط سفینه بوندن طولانی قابلیت سنجیه سنی ضایع ایتمه ملیدر .
 بنابرین اگر (آغ) لر طورپیللری حقیقه توقیف ایده بیلرلر ایسه الک مکمل
 محافظه مقامه قائم اولورلر . لکن بو خصوص شهیدن آزاده اولمدینی جهته
 داخلأ سفینه بوردالریسه موازی اولق و ایکی متره آجیق بولمق اوزره
 ۲۵ : ۴۰ میلیمتره نختنده لوحه لر ایله طولانی بوله لر وجوده کتیروب
 درونلری کومور ایله املا ایتمک چاره سینه مراجعت ایدلمشدر . هر نه قدر
 سفینه داخلنده محل طارلاشمش ایسه ده بو سایه ده کومور احتیاطی تراید
 ایتمش و عین زمانده محافظه مقامه ده قائم اولمقده بولنمشدر . آنف البیان
 تشکیل ایدیلان جدار طولانیلر جدار عرضانیلر ایله ده تقویه ایدلمشدر .

بوندن استنتاج اولنورکه صویک هجومی تحدید ایتمک ایچون بر طاقم بولملر
 (حجره لر) وجوده کتیرلمشدر. بوندن بشقه داخلی کوکرتنهک بعض برلرینه
 دها زیاده ثخن اعطا اولندی. بو ترتیبات عین زمانده دمیرلی بولسان دگز
 لغملرینه قارشى دخی محافظه تشکیل ایدم جکدر. شمیدکی حالدہ تحت الماء
 ترتیبات تحفظیه بوندن عبارتدر. ترتیبات مجوٹ عنہانک مستقبلہ بر استحاله
 ویا تقویہ به محتاج اولوب اولمیه جنی شمیدین کسیدیریلہ مز. تحت الماء محافظه
 مسئلہ سنی حل ایتمک صوٹ درجه مشکلددر. زیرا بیوک مقیاسده تجربہ لر
 اجراسی کوجدر. عملیاتخانہ تجربہ لری ایسہ یالگز معلومات شرطیه اعطا
 ایدم بیلر لر.

فرانسز جہ دن :

محمد رشدی

